



INSTITUTE OF ANCIENT
NEAR EASTERN STUDIES
Charles University
Prague

መጽሐፈ:ሄኖክ::

The Book of Enoch

Book III
The Astronomical Book

Electronic edition of Ethiopic text
prepared by Michal Jerabek

THIS TEXT CANNOT BE SOLD UNDER ANY CIRCUMSTANCES.

Library of Ethiopian Texts, <http://anes235-1.ff.cuni.cz>, Prague

© Michal Jerabek, Prague 1995

Copyright Notice:

1995 Library of Ethiopian Texts, created and maintained by Michal Jerabek, Prague. Permission to use, copy, and distribute this text, for any NONCOMMERCIAL purpose is hereby granted without fee, provided that the copyright notice and this permission notice appear in all copies of this text. This text cannot be sold under any circumstances.

Preface:

This e-text is based on: A.Dillmann's *Liber Henoch aethiopice*, ad quinque codicum fidem editus cum variis lectionibus, Leipzig, 1851.

Please, report any error in Ethiopic text to
michal.jerabek@ff.cuni.cz.

Leave you e-mail address and you will be prompted after the corrections are made so that you can upload corrected version.

Comments are welcome.

ምዕራፍ፡ ፲፫፡፡

ክፍል፡ ፸፪፡፡

መጽሐፈ፡ ሚጠተ ብርሃናተ፡ ሰማይ፡ ፩፩ ዘከመ፡ ሀለው፡ በበሕዝቢሆሙ፡ ፩፩
በበሥልጣኖሙ፡ ወበበዘመኖሙ፡ ፩፩ በበሰሞሙ፡ ወሙሳዳቲሆሙ፡ ወበበ፡ እውራሂሆሙ፡
እለ፡ አርአየኒ፡ ኡርኤል፡ መልአክ፡ ቅዱስ፡ ዘሀሌ፡ ምስሌየ፡ ዘውእቱ፡ መራሐሆሙ፡
ወኩሎ፡ መጽሐፎሙ፡ በከመ፡ ውእቱ፡ አርአየኒ፡ ወበከመ፡ ኩሎ፡ ዓመተ፡ ዓለም፡
ወእስከ፡ ለዓለም፡ እስከ፡ ይትገበር፡ ግብር፡ ሐዲስ፡ ዘይኑበር፡ እስከ፡ ለዓለም፡፡
ወዝንቱ፡ ውእቱ፡ ትእዛዝ፡ ቀዳማዊ፡ ዘብርሃናት፡ ፀሐይ፡ ብርሃን፡ ሙፃኡ፡ በኅዋኅወ፡
ሰማይ፡ እለ፡ መንገለ፡ ጽባሕ፡ ወምዕራቢሁ፡ በኅዋኅወ፡ ሰማይ፡ ዘምዕራብ፡፡
ወርኢኩ፡ ስሱ፡ ኅዋኅወ፡ እለ፡ እምኅበ፡ ይወፅእ፡ ፀሐይ፡ ወስሱ፡ ኅዋኅወ፡ ኅበ፡ የዐርብ፡
ፀሐይ፡ ወወርኅ፡ በውእቶን፡ ኅዋኅወ፡ ይሠርቅ፡ ወየዐርብ፡ ወመራሐሆሙ፡
ለከዋክብት፡ እስለ፡ እለ፡ ይመርሕዎሙ፡ ፮ በጽባሕ፡ ወ ፮ በምዕራብ፡ ፀሐይ፡ ወኩሎሙ፡
፩፩ እምድኅረ፡ ካልኡ፡ ርቱዕ፡ ወመሳክው፡ ብዙኃት፡ እምየማኑ፡ ወእምፀጋሙ፡ ለዝኩ፡
ኖኅት፡፡
ወቀዳሚ፡ ይወፅእ፡ ብርሃን፡ ዘየዐቢ፡ ዘስሙ፡ ፀሐይ፡ ወክበቡ፡ ከመ፡ ክበበ፡ ሰማይ፡
ወኩላንታሁ፡ እሉእ፡ እሳተ፡ ዘያበርህ፡ ወያውዒ፡፡
ሰረገላተ፡ በኅበ፡ የዐርግ፡ ነፋስ፡ ይነፍሕ፤ ወየዐርብ፡ ፀሐይ፡ እምሰማይ፡ ወይገብእ፡
እንተ፡ መስዕ፡ ከመ፡ ይሁር፡ እሥራቀ፡ ወይትመራሕ፡ ከመ፡ ይባእ፡ ኅበ፡ ዝኩ፡ ኖኅት፡
ወያበርህ፡ በገጸ፡ ሰማይ፡፡
ከመዝ፡ ይወፅእ፡ በወርኅ፡ ቀዳማዊ፡ በኖኅት፡ ዐባይ፡ ወይወፅእ፡ እንተ፡ ይእቲ፡ ራብዕት፡
እምእልኩ፡ ኅዋኅወ፡ ፳እለ፡ መንገለ፡ ምሥራቀ፡ ፀሐይ፡፡
ወበይእቲ፡ ራብዕት፡ ኖኅት፡ እንተ፡ እምኔሃ፡ ይወፅእ፡ ፀሐይ፡ በወርኅ፡ ቀዳማዊ፡ ባቲ፡
ዐሥሩ፡ ወክልኤ፡ መሳክው፡ ርኅዋት፡ ዘእምኔሆን፡ ይወፅእ፡ ላብህ፡ ሶበ፡ ይትረኅው፡
እምዘመነ፡ ዚእሆሙ፡፡
ሶበ፡ ይሠርቅ፡ ፀሐይ፡ እምሰማይ፡ ይወፅእ፡ እንተ፡ ይእቲ፡ ራብዕት፡ ኖኅት፡ ፴ ጽባሕ፡
ወበራብዕት፡ ኖኅት፡ እንተ፡ እዕራብ፡ ሰማይ፡ ርቱዕ፡ ይወርድ፡፡
ወበእማንቱ፡ መዋዕል፡ ትኅውኅ፡ ዕለት፡ እምዕለት፡ ወተኅጽር፡ ሌሊት፡ እምሌሊት፡ እስከ፡
፴ ጽባሕ፡፡
ወበይእቲ፡ ዕለት፡ ትኅውኅ፡ ካዕበተ፡ ዕለት፡ እምሌሊት፡ ወትከውን፡ ዕለት፡ ጥንቁቅ፡ ፲
ክፍለ፡ ወትከውን፡ ሌሊት፡ ፳ ክፍለ፡፡
ወይወፅእ፡ ፀሐይ፡ እምዝኩ፡ ራብዕ፡ ኖኅት፡ ወየዐርብ፡ በራብዕት፡ ወይገብእ፡ ውስተ፡
ኃምስት፡ ኖኅት፡ እንተ፡ ጽባሕ፡ ፴ ጽባሕ፡ ወይወፅእ፡ እምኔሃ፡ ወየዐርብ፡ ውስተ፡
ኃምስት፡ ኖኅት፡፡
አሜሃ፡ ይኅውኅ፡ ዕለት፡ ፳እደ፡ ወትከውን፡ ዕለት፡ ፲ ወ ፩ ክፍለ፡ ወተኅጽር፡ ሌሊት፡
ወትከውን፡ ፮ ክፍለ፡፡
ወይገብእ፡ ፀሐይ፡ ለጽባሕ፡ ወይበውእ፡ ውስተ፡ ሳድስት፡ ኖኅት፡ ወይወፅእ፡ ወየዐርብ፡
በሳድስት፡ ኖኅት፡ ፴ ወ ፩ ጽባሕ፡ በእንተ፡ ትእምርተ፡ ዚእሃ፡፡
ወበይእቲ፡ ዕለት፡ ትኅውኅ፡ ዕለት፡ እምሌሊት፡ ወትከውን፡ ዕለት፡ ካዕበተ፡ ሌሊት፡
ወትከውን፡ ዕለት፡ ፲ ወ ፪ ክፍለ፡ ወተኅጽር፡ ሌሊት፡ ወትከውን፡ ፳ ክፍለ፡፡
ወይትኅሣእ፡ ፀሐይ፡ ከመ፡ ትኅጽር፡ ዕለት፡ ወትኑኅ፡ ሌሊት፡ ወይገብእ፡ ፀሐይ፡ ለጽባሕ፡
ወይበውእ፡ ውስተ፡ ሳድስት፡ ኖኅት፡ ወይሠርቅ፡ እምኔሃ፡ ወየዐርብ፡ ፴ ጽባሕ፡፡
ወሶበ፡ ተፈጸመ፡ ፴ ጽባሕ፡ ተሐፅፅ፡ መዓልት፡ ፩ ክፍለ፡ ጥንቁቅ፡ ወትከውን፡ ዕለት፡ ፲ ወ
፩ ክፍለ፡ ወሌሊት፡ ፮ ክፍለ፡፡
ወይወፅእ፡ ፀሐይ፡ እምነ፡ እዕራብ፡ እምይእቲ፡ ሳድስት፡ ኖኅት፡ ወየሐውር፡ እሥራቀ፡
ወይሠርቅ፡ በኃምስ፡ ኖኅት፡ ፴ ጽባሕ፡ ወየዐርብ፡ በምዕራብ፡ ካዕበ፡ በኃምስ፡ ኖኅት፡
እንተ፡ እዕራብ፡፡
በይእቲ፡ ዕለት፡ ተሐፅፅ፡ ዕለት፡ ፪ ክፍለ፡ ወትከውን፡ ዕለት፡ ፲ ክፍለ፡ ወሌሊት፡ ፳ ክፍለ፡፡

ወይወጽኦ፡ፀሐይ፡እምደእቲ፡ኃምስ፡ኖኅት፡ወቦርብ፡በኃምስ፡ኖኅት፡እንተ፡
 እዕራብ፡ወይሠርቅ፡በራብዕት፡ኖኅት፡በእንተ፡ትእምርተ፡ዚእሃ፡፴ ወ ፩ ጽባሐ፡
 ወቦርብ፡በምዕራብ፡
 በይእቲ፡ዕለት፡ይትዔረይ፡መዓልት፡እስለ፡ሌሊት፡ወይከውን፡ዕሩ፡ወትከውን፡
 ሌሊት፡፱ ክፍለ፡ወመዓልት፡፱ ክፍለ፡
 ወይወጽኦ፡ፀሐይ፡እምደእቲ፡ኖኅት፡ወቦርብ፡በምዕራብ፡ወይገብእ፡በጽባሐ፡
 ወይወጽኦ፡በሣልስት፡ኖኅት፡፴ ጽባሐ፡ወቦርብ፡በምዕራብ፡በሣልስት፡ኖኅት፡
 ወበይእቲ፡ዕለት፡ትካውኅ፡ሌሊት፡እምዕለት፡እስከ፡፴ ጽባሐ፡ወተኅጽር፡ዕለት፡
 እምዕለት፡እስከ፡፴ ዕለት፡ወትከውን፡ሌሊት፡፲ ክፍለ፡ጥንቁቅ፡ወመዓልት፡፰ ክፍለ፡
 ወይወጽኦ፡ፀሐይ፡እምደእቲ፡ሣልስት፡ኖኅት፡ወቦርብ፡በሣልስት፡ኖኅት፡በዐረብ፡
 ወይገብእ፡ውስተ፡እሥራቅ፡ወይወጽኦ፡ፀሐይ፡ውስተ፡ካልእ፡ኖኅት፡እሥራቅ ፴
 ጽባሐ፡ወከመዝ፡ቦርብ፡በካልእ፡ኖኅት፡በምዕራብ፡ሰማይ፡
 ወበይእቲ፡ዕለት፡ትከውን፡ሌሊት፡፲ ወ ፩ ክፍለ፡ወዕለት፡፯ ክፍለ፡
 ወይወጽኦ፡ፀሐይ፡በይእቲ፡ዕለት፡እምደእቲ፡ካልእት፡ኖኅት፡ወቦርብ፡በምዕራብ፡
 በካልእ፡ኖኅት፡ወይገብእ፡በምሥራቅ፡በካሐቲ፡ኖኅት፡፴ ወ ፩ ጽባሐ፡ወቦርብ፡
 በምዕራብ፡በካሐቲ፡ኖኅት፡
 ወበይእቲ፡ዕለት፡ትካውኅ፡ሌሊት፡ወትከውን፡ካዕበታ፡ለመዓልት፡ወትከውን፡ሌሊት፡
 ፲ ወ ፪ ክፍለ፡ጥንቁቅ፡ወመዓት፡፯ ክፍለ፡
 ወፈጸመ፡ፀሐይ፡ኦርእስቲሁ፡ወዳግመ፡ቦወድ፡ደብ፡እሉ፡ኦርእስቲሁ፡ወይበውእ፡
 በውእቱ፡ኖኅት፡፴ ጽባሐ፡ወበምዕራብ፡በኦንጸሪሁ፡ቦርብ፡
 ወበይእቲ፡ዕለት፡ተኅጽር፡ሌሊት፡እምኑኃ፡፩እደ፡ዝውእቱ፡ክፍል፡፩ ወትከውን፡፲
 ወ ፩ ክፍለ፡ወመዓልት፡፯ ክፍለ፡
 ወገብእ፡ፀሐይ፡ወቦእ፡ውስተ፡ካልእ፡ኖኅት፡እንተ፡እሥራቅ፡ወይገብእ፡ደብ፡ዝኩ፡
 ኦርእስቲሁ፡፴ ጽባሐ፡ይሠርቅ፡ወቦርብ፡
 ወበይእቲ፡ዕለት፡ተኅጽር፡ሌሊት፡እምኑኃ፡ወትከውን፡ሌሊት፡፲ ክፍለ፡ወመዓልት፡
 ፰ ክፍለ፡
 ወበይእቲ፡ዕለት፡ይወጽኦ፡ፀሐይ፡እምደእቲ፡ካልእት፡ኖኅት፡ወቦርብ፡በምዕራብ፡
 ወይገብእ፡ምሥራቅ፡ወይሠርቅ፡በሣልስ፡ኖኅት፡፴ ወ ፩
 ጽባሐ፡ወቦርብ፡በምዕራብ፡ሰማይ፡
 ወበይእቲ፡ዕለት፡ተከፅፅ፡ሌሊት፡ወትከውን፡፱ ክፍለ፡ወዕለት፡ትከውን፡፱ ክፍለ፡
 ወይትዔረይ፡ሌሊት፡እስለ፡መዓልት፡ወይከውን፡ዓመት፡ጥንቁቅ፡መዋዕለ፡፫፻ ወ ፰
 ወረብዐ፡
 ወኑኃ፡ለዕለት፡ወለሌሊት፡ወኅጸራ፡ለዕለት፡ወለሌሊት፡በምሕዋረ፡ፀሐይ፡ውእቱ፡
 ይትሌለይ፡
 በእንቲአሁ፡ይካውኅ፡እሕዋሪሁ፡ዕለት፡እምዕለት፡ወሌሊት፡እምሌሊት፡ይቀርብ፡
 ወዝውእቱ፡ትእዛዙ፡ወምሕዋሩ፡ለፀሐይ፡ወምግባኡ፡ሰባ፡ይገብእ፡ለእንተ፡፰
 ይገብእ፡ወይወጽኦ፡ዘውእቱ፡ብርሃን፡ዐቢይ፡ዘለዓለም፡ዘይሰመይ፡ፀሐየ፡ለዓለመ፡
 ዓለም፡
 ወዝንቱ፡ውእቱ፡ዘይወጽኦ፡ብርሃን፡ዐቢይ፡ዘይሰመይ፡በኦርኢያ፡ዚአሁ፡በከመ፡አዘዘ፡
 እግዚእ፡
 ወከመዝ፡ይወጽኦ፡ወይበውእ፡ወኢየሐፅ፡ወኢቦርፍ፡አላ፡ይረውጽ፡መዓልተ፡
 ወሌሊተ፡በሰረገላ፡ወብርሃን፡ዚአሁ፡፯እደ፡ያበርህ፡እምዘወርኅ፡ወእምግሂሆሙ፡ለ
 ፪ኤሆሙ፡ዘውግ፡

ምዕራፍ፡ ፲፬፡፡

ክፍል፡ ፸፫፡፡

ወደኅሬሁ፡ ለዝ፡ ትእዛዝ፡ ርኢኩ፡ ካልኦ፡ ትእዛዝ፡ ለብርሃን፡ ንኡስ፡ ዘስሙ፡ ወርኅ፡፡
 ወክበቡ፡ ከመ፡ ክበበ፡ ሰማይ፡ ወሰረገላ፡ ዚኣሁ፡ በኅበ፡ ይጼኣን፡ ነፋስ፡ ይነፍሳ፡
 ወበመስፈርት፡ ይትወሀብ፡ ሎቱ፡ ብርሃን፡፡
 ወበኩሉ፡ ወርኅ፡ ሙጻኢሁ፡ ወሙባኢሁ፡ ይትዌለጥ፡ ወመዋዕሊሁ፡ ከመ፡ መዋዕለ፡
 ፀሐይ፡ ወሶበ፡ ይኤሪ፡ ከዊነ፡ ብርሃኑ፡ ይከውን፡ ብርሃኑ፡ ሳብዓየ፡ እደ፡ እምብርሃነ፡
 ፀሐይ፡ ወከመዝ፡ ይሠርቅ፡፡
 ወርእሱ፡ ዘመንገለ፡ ጽባሕ፡ ይወጽእ፡ በ፴ ጽባሕ፡ ወበይእቲ፡ ዕለት፡ ያስተርኢ፡
 ወይከውን፡ ለክሙ፡ ርእሰ፡ ወርኅ፡ ፴ ጽባሕ፡ እስለ፡ ጸሐይ፡ በኖሳት፡ እንተ፡ ይወጽእ፡
 ፀሐይ፡፡
 ወመንፈቁ፡ ርኢኹ፡ ፩ እደ፡ ፩ ወኩሉ፡ ክበበ፡ ዚኣሁ፡ በክ፡ ዘኣልቦ፡ ብርሃን፡ ዘእንበለ፡
 ሳብዒት፡ እደ፡ ዚኣሁ፡ እም፡ ፲ ወ፱እደ፡ ብርሃኑ፡፡
 ወበዕለተ፡ ይነሥእ፡ ሳብዓየ፡ እደ፡ ወመንፈቁ፡ ብርሃኑ፡ ይከውን፡ ብርሃኑ፡ ፭ ወ ፭እደ፡
 ኣሐቲ፡ ወመንፈቁ፡ የዐርብ፡ እስለ፡ ጸሐይ፡፡
 ወሶበ፡ ይሠርቅ፡ ጸሐይ፡ ይሠርቅ፡ ወርኅ፡ ምስሌሁ፡ ወይነሥእ፡ መንፈቁ፡ እደ፡ ብርሃን፡
 ወበይእቲ፡ ሌሊት፡ በርእሰ፡ ጽባሕ፡ ዚኣሁ፡ በቅድመ፡ ዕለቱ፡ ለወርኅ፡ የዐርብ፡ ወርኅ፡
 ምስለ፡ ጸሐይ፡ ወይጸልም፡ በይእቲ፡ ሌሊት፡ ፭ ወ ፭እደ፡ ወንፍቃ፡፡
 ወይሠርቅ፡ በይእቲ፡ ዕለት፡ ሳብዓየ፡ እደ፡ ጥንቁቁ፡ ወይወጽእ፡ ወይጸንን፡ እምሥራቁ፡
 ጸሐይ፡ ወያበርህ፡ በተረፈ፡ ዕለቱ፡ ፭ ወ ፭እደ፡፡

ክፍል፡ ፸፬፡፡

ወካልኦ፡ እሕዋረ፡ ወትእዛዝ፡ ርኢኩ፡ ሎቱ፡ እንተ፡ በውእቱ፡ ትእዛዝ፡ ይገብር፡ እሕዋሮ፡
 ዘኣውራኅ፡፡
 ወኩሎ፡ ኣርኣየኒ፡ ኡርኤል፡ መልኣክ፡ ቅዱስ፡ ዘውእቱ፡ መራኅሆሙ፡ ለኩሎሙ፡
 ወምንባሪሆሙ፡ ጸሐፍኩ፡ በከመ፡ ኣርኣየኒ፡ ወጸሐፍኩ፡ ኣውራኅሆሙ፡ በከመ፡ ሀለው፡
 ወርእየ፡ ብርሃኖሙ፡ እስከ፡ ተፈጸመ፡ ፲ ወ ፭ መዋዕል፡፡
 በ፩፡ ፭እደ፡ ይፌጽም፡ ኩሎ፡ ብርሃኖ፡ በምሥራቅ፡ ወበበ፡ ፭እደ፡ ይፌጽም፡ ኩሎ፡
 ጽልመቶ፡ በምዕራብ፡፡
 ወበኣውራኅ፡ እሙራት፡ ይዌልጥ፡ እዕራባተ፡ ወበኣውራኅ፡ እሙራት፡ የሐውር፡
 እሕዋሪሁ፡ ፩፩፡፡
 ወበ፪ ወርኅ፡ የዐርብ፡ እስለ፡ ጸሐይ፡ በእሉ፡ ፪ ኅዋሃው፡ እለ፡ በማእከል፡ በሣልስ፡
 ወበራብዕ፡ ኖሳት፡፡
 ይወጽእ፡ ፭ መዋዕለ፡ ወየኣውድ፡ ወይገብእ፡ ካዕበ፡ በኖሳት፡ እንተ፡ ይወጽእ፡ ፀሐይ፡
 ወበውእቱ፡ ይፌጽም፡ ኩሎ፡ ብርሃኖ፡ ወይጸንን፡ እምጸሐይ፡ ወይበውእ፡ ሰሙነ፡
 መዋዕለ፡ በሳድስት፡ ኖሳት፡ እንተ፡ እምኔሃ፡ ይወጽእ፡ ጸሐይ፡፡
 ወሶበ፡ ይወጽእ፡ ጸሐይ፡ እምራብዕት፡ ኖሳት፡ ይወጽእ፡ ሰቡዕ፡ መዋዕለ፡ እስከ፡ ይወጽእ፡
 እምነ፡ ኃምስት፡ ወካዕበ፡ ይገብእ፡ ሰብዕ፡ መዋዕለ፡ በኖሳት፡ ራብዕ፡ ወይፌጽም፡ ኩሎ፡
 ብርሃኖ፡ ወይጸንን፡ ወይበውእ፡ በቀዳሚት፡ ኖሳት፡ ሰሙነ፡ መዋዕለ፡፡
 ወካዕበ፡ ይገብእ፡ ሰቡዕ፡ መዋዕለ፡ በራብዕት፡ ኖሳት፡ እንተ፡ እምኔሃ፡ ይወጽእ፡ ጸሐይ፡፡
 ከመዝ፡ ርኢኩ፡ እንባሮሙ፡ በከመ፡ ሥርዐተ፡ ኣውራኅሆሙ፡ ይሠርቅ፡ ወየዐርብ፡
 ጸሐይ፡፡
 ወበእማንቱ፡ መዋዕል፡ ይትዌሰክ፡ ፭ ዓመት፡ ወይበጽሐ፡ ለጸሐይ፡ ፴ መዋዕል፡
 ወኩሎሙ፡ መዋዕላት፡ ይበጽሕዎ፡ ለ ፩ ዓመት፡ እምእልኩ፡ ፭ ዓመት፡ ተመሊኦሙ፡
 ይከውኑ፡ ፫፻ ወ ፳ ወ ፬ መዋዕለ፡፡
 ወይበጽሐ፡ እብጸሒሆሙ፡ ለጸሐይ፡ ወለከዋክብት፡ ሰሉ፡ መዋዕል፡ እም፡ ፭ ዓመታት፡
 በበስሱ፡ ይበጽሐሙ፡ ፴ ዕለት፡ ወየሐጽጽ፡ እምፀሐይ፡ ወእምከዋክብት፡ ወርኅ፡ ፴
 መዋዕለ፡፡

ወወርሳ፡ያመጽኦሙ፡ለዓመታት፡ጥንቁቅ፡ኩሎሙ፡ከመ፡እንባሮሙ፡ለዓለም፡
ኢይበድሩ፡ወኢይዴግሩ፡አሐተ፡ዕለተ፡አላ፡ይዌልጡ፡ዓመተ፡በጽድቅ፡ጥንቁቅ፡በበ
፫፫ ወ፮ ወ፩ መዋዕል።

ለ፫ ዓም፡መዋዕሊሁ፡፲፫ ወ፯ ወ፪ ወለ፭ ዓመት፡፲ ወ፰፫ ወ፰ መዋዕል፡ከመ፡ይኩን፡ለ
፰ ዓመት፡፭ ወ፱፫ ወ፲ ወ፪ መዋዕል።

ለወርሳ፡ለባሕቲቱ፡ይበጽሕ፡መዋዕሊሁ፡ለ፫ ዓም፡፲፫ ወ፰ ወ፪ መዋዕል፡ወለ፭
ዓመት፡የሐፅፅ፡፶ መዋዕል፡እስመ፡በጸሐቱ፡ይትዌሰክ፡ዲበ፡፰ ወ፪ መዋዕል።

ወይከውን፡ለ፭ ዓም፡፲ ወ፯፫ ወ፫ መዋዕል፡ከመ፡ይኩን፡ለወርሳ፡ለ፰ ዓመት፡
መዋዕሊሁ፡፭፫ ወ፰፫ ወ፱ ወ፪ መዋዕል።

እስመ፡ሕፀፅ፡ለ፰ ዓመት፡መዋዕሊሁ፡፹ ወኩሎሙ፡መዋዕል፡ዘሐፀፀ፡እም፡፰ ዓም፡
መዋዕል፡፹።

ወይትፌጸም፡ዓመት፡በጽድቅ፡በከመ፡መንበረ፡ዚአሆሙ፡ወመንበረ፡ጸሐይ፡እለ፡
ይሠርቁ፡እምነ፡ኖሳት፡እለ፡እምኔሆሙ፡ይሠርቅ፡ወየዐርብ፡መዋዕል፡፱።

ክፍል፡፫፭።

ወመራሳያሊሆሙ፡ለአርእስተ፡አእላፍ፡እለ፡ዲበ፡ኩሉ፡ፍጥረት፡ወዲበ፡ኩሉ፡
ከዋክብት፡ወምስለ፡፬እለ፡ይትዌሰኩ፡ወኢይትሌለዩ፡እምንባሮሙ፡በከመ፡ኩሉ፡
ሐሳበ፡ዓመት፡ወእሉ፡ይትቀነዩ፡፬ መዋዕል፡እለ፡ኢይትሐሰቡ፡በሐሳበ፡ዓመት።

ወበእንቲአሆሙ፡ይጌግዩ፡ቦሙ፡ሰብእ፡እስመ፡እሙንቱ፡ብርሃናት፡ይትቀነዩ፡በጽድቅ፡
በምንበረ፡ዓለም፡፩ በቀዳሚ፡ኖሳት፡ወ፩ በሣልስ፡ኖሳት፡ወ፩ በራብዕ፡ኖሳት፡ወ፩
በሳድስ፡ኖሳት፡ወይትፌጸም፡ጥንቃቄ፡ዓለም፡በበ፫፫ ወ፰ ወ፩ መንበረ፡ዓለም።

እስመ፡ለትእምርት፡ወለእዝማን፡ወለዓመታት፡ወለመዋዕል፡አርአየሊ፡ኡርኤል፡
መልአክ፡ዘእንበሮ፡እግዚእ፡ሰብሐት፡ዘለዓለም፡ዲበ፡ኩሎሙ፡ብርሃናት፡ሰማይ፡
በሰማይ፡ወበዓለም፡ከመ፡ይምልኩ፡በገጸ፡ሰማይ፡ወይትረአዩ፡ዲበ፡እድር፡ወይኩኑ፡
መራሳያነ፡ለመዓልት፡ወለሌሊት፡ፀሐይ፡ወወርሳ፡ወከዋክብት፡ወኩሉ፡ቅንዖታት፡
እለ፡የአውዱ፡በኩሎሙ፡ሰረገላተ፡ሰማይ።

ከመዝ፡፲ ወ፪ ኅዋሃወ፡ርኅዋተ፡አርአየሊ፡ኡርኤል፡በክበበ፡ሰረገላት፡ዘጸሐይ፡በሰማይ፡
እለ፡እምኔሆሙ፡ይወጽኡ፡እገሪሃ፡ለጸሐይ፡ወእምኔሆሙ፡ይወጽእ፡ሞቅ፡ዲበ፡
ምድር፡ሰበ፡ይትረኅው፡በእዝማን፡እለ፡እሙራን፡ቦሙ።

ወለነፋሳት፡ወለመንፈሰ፡ጠል፡ሰበ፡ይትረኅው፡በእዝማን፡ርኅዋተ፡በሰማያት፡ዲበ፡
አጽናፍ።

፲ ወ፪ ኅዋሃወ፡ርኢኩ፡በሰማይ፡በአጽናፈ፡እድር፡እለ፡እምኔሆሙ፡ይወጽኡ፡ፀሐይ፡
ወወርሳ፡ወከዋክብት፡ወኩሉ፡ግብራተ፡ሰማይ፡እምነ፡እሥራቅ፡ወእምነ፡እዕራብ።
ወመሳክው፡ርኅዋት፡ብዙኃት፡እምፀጋሙ፡ወእምየማኑ፡ወአሐቲ፡መስኮት፡በዘመነ፡
ዚአሃ፡ታመውቅ፡ሞቀ፡ዘከመ፡እልኩ፡ኅዋሃው፡እለ፡ይወጽኡ፡እምኔሆሙ፡ከዋክብት፡
በከመ፡አዘዞሙ፡ወእለ፡ቦሙ፡የዐርቡ፡በከመ፡ኅሉልቆሙ።

ወርኢኩ፡ሰረገላተ፡በሰማይ፡እንዘ፡ይረውፀ፡በዓለም፡እመልዕልቶሙ፡
ወእመትሕቶሙ፡ለእልኩ፡ኅዋሃው፡እለ፡ቦሙ፡ይትመየጡ፡ከዋክብት፡እለ፡ኢየዐርቡ።
ወ፩ የዐብዮሙ፡ለኩሎሙ፡ወውእቱ፡የአውድ፡ለኩሉ፡ዓለም።

ምዕራፍ፡፲ ወ፭።

ክፍል፡፫፮።

ወበአጽናፈ፡እድር፡ርኢኩ፡፲ ወ፪ ኅዋሃወ፡ርኅዋተ፡ለኩሎሙ፡ነፋሳት፡እለ፡

እምኔሆሙ፡ይወጽኡ፡ነፋሳት፡ወይነፍሱ፡ዲበ፡እድር።

፫እምኔሆሙ፡ርኅዋት፡በገጸ፡ሰማይ፡ወ፫ በምዕራብ፡ወ፫ በየማነ፡ሰማይ፡ወ፫ በፀጋም።

ወ፫ ቀዳምያት፡እለ፡መንገለ፡ጽባሕ፡ወ፫ መንገለ፡መስዕ፡ወ፫ በድኅር፡እለ፡በጸጋም፡

ለመንገለ፡አዜብ፡ወ፫ በዓረብ።

በ፩እምኔሆሙ፡ ይወጽኡ፡ ነፋሳተ፡ በረከት፡ ወሰላም፡ ወእምእልኩ፡ ፰ ይወጽኡ፡ ነፋሳተ፡
 መቅሠፍት፡ ሰበ፡ ይትፈነው፡ ይደመስስዋ፡ ለኩላ፡ ምድር፡ ወለማይ፡ ዘዲቤሃ፡
 ወለኩሎሙ፡ እለ፡ የኅድፉ፡ ዲቤሃ፡ ወኩሎ፡ ዘሀሎ፡ ውስተ፡ ማይ፡ ወዲቤ፡ የብስ፡
 ወይወጽእ፡ ቀዳማይ፡ ነፋስ፡ እምእልኩ፡ ኅዋላው፡ ዘስሙ፡ ጽዔይ፡ በቀዳሚት፡ ጥላት፡
 እንተ፡ መንገለ፡ ጽባሕ፡ እንተ፡ ታጸንን፡ ለአዜብ፡ ይወጽእ፡ እምኔሃ፡ ድምሳሴ፡ የብስ፡
 ወሞቅ፡ ወሐጉል፡
 ወበካልእት፡ ጥላት፡ ማእከላይት፡ ይወጽእ፡ ርትዕ፡ ወይወጽእ፡ እምኔሃ፡ ዝናም፡ ወፍሬ፡
 ወሰላም፡ ወጠል፤ ወበሣልስት፡ ጥላት፡ እንተ፡ መንገለ፡ መስዕ፡ ይወጽእ፡ ቀር፡ ወየብስ፡
 ወእምድሃረ፡ እሉ፡ ነፋሳት፡ በመንገለ፡ አዜብ፡ ይወጽእ፡ በ፫ ጥላት፤ ቀዳምያት፡
 በቀዳሚት፡ ጥላት፡ እምኔሆን፡ እንተ፡ ታጸንን፡ ለመንገለ፡ ምሥራቅ፡ ይወጽእ፡ ነፋስ፡
 ሞቅ፡
 ወበጥላት፡ እንተ፡ ኅቤሃ፡ ማእከላይት፡ ይወጽእ፡ እምኔሃ፡ መዐዛ፡ ሠናይ፡ ወጠል፡
 ወዝናም፡ ወሰላም፡ ወሕይወት፡
 ወበሣልስት፡ ጥላት፡ እንተ፡ መንገለ፡ እዕራብ፡ ይወጽእ፡ እምኔሃ፡ ጠል፡ ወዝናም፡
 ወአናኩዕ፡ ወድምሳሴ፡
 ወእምድሃረ፡ እሉ፡ ነፋሳት፡ ዘመንገለ፡ መስዕ፡ [ዘስሙ፡ ባሕር፡] እም፡ [፫] ሳብዓይ፡
 ጥላት፡ እንተ፡ መንገለ፡ እሥራቅ፡ ዘታጸንን፡ መንገለ፡ አዜብ፡ ይወጽእ፡ እምኔሃ፡ ጠል፡
 ወዝናም፡ አናኩዕ፡ ወድምሳሴ፡
 ወእማእከላይት፡ ጥላት፡ ርትዕት፡ ይወጽእ፡ እምኔሃ፡ ዝናም፡ ወጠል፡ ወሕይወት፡
 ወሰላም፡ ወበሣልስት፡ ጥላት፡ እንተ፡ መንገለ፡ እዕራብ፡ እንተ፡ ታጸንን፡ ለመስዕ፡ ይወጽእ፡
 እምኔሃ፡ ጊሜ፡ ወአስሐትያ፡ ወሐመዳ፡ ወዝናም፡ ወጠል፡ ወአናኩዕ፡
 ወእምድሃረ፡ እሉ፡ [፬] ነፋሳት፡ እለ፡ መንገለ፡ እዕራብ፡ በቀዳሚት፡ ጥላት፡ እንተ፡
 ታጸንን፡ ለመንገለ፡ መስዕ፡ ወእምኔሃ፡ ይወጽእ፡ ጠል፡ ወዝናም፡ ወአስሐትያ፡ ወቀር፡
 ወሐመዳ፡ ወደደክ፡
 ወእምኅ፡ ጥላት፡ ማእከላይት፡ ይወጽእ፡ ጠል፡ ወዝናም፡ ሰላም፡ ወበረከት፡ ወበደጋሪት፡
 ጥላት፡ እንተ፡ መንገለ፡ አዜብ፡ ይወጽእ፡ እምኔሃ፡ የብስ፡ ወድምሳሴ፡ ሞዕይ፡ ወሐጉል፡
 ወተፈጸማ፡ ፫ ወ፪ኅዋላው፡ ዘ፬ ኅዋላው፡ ሰማይ፡ ወኩሎ፡ ትእዛዙ፡ ወኩሎ፡
 መቅሠፍቶሙ፡ ወሰላምሙ፡ አርአይኩከ፡ ወልድየ፡ ማቲላ፡

ክፍል፡ ፪፡

ይጼውዕዎ፡ ለነፋስ፡ ቀዳማዊ፡ ጽዔዊ፡ እስመ፡ ቀዳማዊ፡ ውእቱ፡ ይጼውዕዎ፡ ለካልእ፡
 አዜብ፡ እስመ፡ ልዑል፡ ኣየ፡ ይወርድ፡ ወፈድፋድ፡ ህየ፡ ይወርድ፡ ቡሩክ፡ ለዓለም፡
 ወለነፋስ፡ ዘእምዕራብ፡ ስሙ፡ ንቱግ፡ እስመ፡ በህየ፡ የሐፅፅ፡ ኩሎ፡ ብርሃናተ፡ ሰማይ፡
 ወይወርዱ፡
 ወራብዕ፡ ነፋስ፡ ዘስሙ፡ መስዕ፡ ይትከፈል፡ ፫ ክፍለ፡ ፩እምኔሆሙ፡ ማኅደር፡ ለሰብእ፡
 ወካልእ፡ ለአብሕርተ፡ ማያት፡ ወበቀላያት፡ ወበኦም፡ ወበአፍላግ፡ ወበጽልመት፡ ወበጊሜ፡
 ወሣልስ፡ ክፍል፡ በገነተ፡ ጽድቅ፡
 ፯አድባረ፡ ነዋሳነ፡ ርኢኩ፡ እለ፡ ይነውሑ፡ እምኩሎ፡ አድባር፡ እለ፡ ውስተ፡ እድር፡
 ወእምኔሆሙ፡ ይወጽእ፡ አስሐትያ፡ ወየኅልፍ፡ ወየሐውር፡ መዋዕል፡ ወዘመን፡ ወዓመት፡
 ፯አፍላግ፡ ዲቤ፡ እድር፡ ርኢኩ፡ ዐበይተ፡ እምኩሎሙ፡ አፍላግ፡ ፩እምኔሆሙ፡ ይመጽእ፡
 እምዓረብ፡ ውስተ፡ ባሕር፡ ዐቢይ፡ ይክዑ፡ ማዮ፡
 ወእልክቱ፡ ፪ ይመጽኡ፡ እመስዕ፡ እስከ፡ ባሕር፡ ወይክዕው፡ ማዮሙ፡ በባሕር፡ ኤርትራ፡
 እምሥራቅ፡
 ወእለ፡ ተርፋ፡ ፬ ይወጽኡ፡ በገቦ፡ መስዕ፡ እስከ፡ ባሕር፡ ዚአሆሙ፡ ባሕር፡ ኤርትራ፡ ወ፪
 በባሕር፡ ዐቢይ፡ ይሰወጡ፡ በህየ፡ ወይቤሉ፡ መድብራ፡
 ሰቡዕ፡ ደሰያተ፡ ዐበይተ፡ ርኢኩ፡ በባሕር፡ ወበምድር፡ ፪ በምድር፡ ወ፭ በባሕር፡ ዐቢይ፡

ክፍል፡ ፫፡

አስማቱ፡ ለፀሐይ፡ ከመዝ፡ ፩አርያሬስ፡ ወካልኡ፡ ቶማስ፡

ወለወርኅ፡፬አስማት፡ቦቱ፡፩ ስሙ፡አሶንያ፡ወካልእ፡እብላ፡ወሣልስ፡ብናሴ፡ወራብዕ፡
 ኤራዕ፡
 እሉ፡እሙንቱ፡፪ብርሃናት፡ዐበይት፡ክበቡሙ፡ከመ፡ክበብ፡ሰማይ፡አምጣኒሆሙ፡
 ለክልኤሆሙ፡ዕሩያን፡
 በክበብ፡ፀሐይ፡፯ ክፍለ፡ብርሃን፡ዘይትዌሰክ፡ቦቱ፡እምወርኅ፡ወበመስፈርት፡
 ትትወደይ፡እስከ፡የኅልፍ፡ሳብዕ፡ክፍለ፡ፀሐይ፡
 ወየዐርቡ፡ወይበውኡ፡ውስተ፡ኅዋኅወ፡እዕራብ፡ወየዐውዱ፡እንተ፡መስዕ፡ወእንተ፡
 ኅዋኅወ፡ምሥራቅ፡ይወጽኡ፡ዲበ፡ገጸ፡ሰማይ፡
 ወሶበ፡ይትኅሣእ፡ወርኅ፡ያስተርኢ፡በሰማይ፡ወመንፈቀ፡ሳብዕ፡እደ፡ብርሃን፡ይከውን፡
 ቦቱ፡ወበዐሠር፡ወረቡዕ፡ይፌጽም፡ኩሉ፡ብርሃኖ፡
 ወ፫ ትኅምስተ፡ብርሃን፡ይትወደይ፡ውስቴታ፡እስከ፡ዐሠር፡ወኃምስ፡ይትፌጽም፡
 ብርሃነ፡ዚአሁ፡ለትእምርተ፡ዓመት፡ወይከውን፡፫ ትኅምስተ፡ወይከውን፡ወርኅ፡
 በመንፈቀ፡ሳብዕት፡እድ፡
 ወበሕፀፀ፡ዚአሁ፡በቀዳሚት፡ዕለት፡የሐፀፀ፡፲ ወ፪እደ፡ብርሃነ፡ዚአሁ፡ወበሳኒታ፡
 የሐፀፀ፡፲ ወ፫እደ፡ወበሣልስ፡የሐፀፀ፡፲ ወ፪እደ፡ወበራብዕ፡የሐፀፀ፡፲ ወ፬ ክፍለ፡
 ወበኃምስ፡የሐፀፀ፡፲ ክፍለ፡ወበሳድስ፡የሐፀፀ፡፱ ክፍለ፡ወበሳብዕ፡የሐፀፀ፡፰ ክፍለ፡
 ወበሳምን፡የሐፀፀ፡፯ ክፍለ፡ወበታስዕ፡የሐፀፀ፡፮ ክፍለ፡ወበዓሥር፡የሐፀፀ፡፭ ክፍለ፡
 ወበ፲ ወ፮ የሐፀፀ፡፬ ክፍለ፡ወበ፲ ወ፪ የሐፀፀ፡፫ ክፍለ፡ወበ፲ ወ፫ የሐፀፀ፡፪ ወበ፲ ወ
 ፬ የሐፀፀ፡መንፈቀ፡፯እድ፡ወኩሉ፡ብርሃኑ፡በ፲ ወ፮ ዕለት፡ይትዌዳዕ፡ዘተርፈ፡
 እምኩሉ፡
 ወበአውራጃ፡እሙራት፡ይከውን፡በበ፡፳ ወ፱ መዋዕል፡ለወርኅ፡ወቦ፡ጊዜ፡፳ ወ፳፡
 ወካልእተ፡ሥርዐተ፡አርአየኒ፡ኡርኤል፡ሶበ፡ይትወደይ፡ብርሃን፡ውስተ፡ወርኅ፡
 ወእምኅበ፡ይትወደይ፡እምፀሐይ፡
 ኩሉ፡ዘመነ፡ዘተሐውር፡ወርኅ፡ብብርሃነ፡ዚአሃ፡ትወዲ፡በቅድመ፡ፀሐይ፡እስከ፡፲ ወ
 ፬ መዋዕል፡ይትፌጽም፡ብርሃና፡ውስተ፡ሰማይ፡ወሶበ፡ይውዒ፡ኩሉ፡ይትፌጽም፡
 ብርሃኑ፡ውስተ፡ሰማይ፡
 ወቀዳሚት፡ዕለት፡ሠርቀ፡ትሰመይ፡እስመ፡በይእቲ፡ዕለት፡ይትኅሣእ፡ሳዕሌሃ፡ብርሃን፡
 ወይትፌጽም፡ጥንቁቅ፡በዕለተ፡ይወርድ፡ፀሐይ፡ውስተ፡ዓረብ፡ወእምነ፡እሥራቅ፡
 የዐርግ፡በሌሊት፡ወያበርህ፡ወርኅ፡በኩሉ፡ሌሊት፡እስከ፡ይሠርቅ፡ፀሐይ፡
 በቅድሜሁ፡ወይትረከይ፡ወርኅ፡በቅድመ፡ጸሐይ፡
 እምኅበ፡ይወጽእ፡ብርሃኑ፡ለወርኅ፡እምህየ፡ካዕበ፡የሐፀፀ፡እስከ፡ይትዌዳዕ፡ኩሉ፡
 ብርሃኑ፡ወየኅልፍ፡መዋዕለ፡ወርኅ፡ወይነብር፡ክበቡ፡በከ፡ዘእንበለ፡ብርሃን፡
 ወ፫ ወርኅ፡ይገብር፡፴ መዋዕለ፡በዘመነ፡ዚአሁ፡ወ፫ ወርኅ፡ይገብር፡በበ፡፳ ወ፱
 መዋዕል፡እለ፡ቦሙ፡ይገብር፡ታሕዳሊተ፡ዚአሁ፡በዘመን፡ቀዳማዊ፡ወበኖኅት፡ቀዳማዊ፡
 በመዋዕል፡፫ ወ፪ ወ፯፡
 ወበዘመነ፡ሙዳኡ፡፫ ወርኅ፡ያስተርኢ፡በበ፡፴መዋዕል፡ወ፫ ወርኅ፡ያስተርኢ፡በበ፡፳ ወ፱
 መዋዕል፡
 በሌሊት፡ያስተርኢ፡በበ፡፳ ከመ፡ብእሲ፡ወመዓልተ፡ከመ፡ሰማይ፡እስመ፡ካልእ፡
 ምንትኒ፡አልባቲ፡ዘእንበለ፡ብርሃነ፡ዚአሃ፡
 ክፍል፡፪፱፡
 ወይእዜኒ፡ወልድየ፡ማቱሳሳ፡አርአይኩከ፡ኩሉ፡ወተፈጸመ፡ኩሉ፡ሥርዐተ፡
 ከዋክብት፡ዘሰማይ፡
 ወአርአየኒ፡ኩሉ፡ሥርዐቶሙ፡ለእሉ፡እንተ፡በኩሉ፡መዋዕል፡ወበኩሉ፡ዘመን፡
 ዘበኩሉ፡ሥልጣን፡ወበኩሉ፡ዓመት፡ወበሙዳኡ፡ወበትእዛዙ፡በኩሉ፡ወርኅ፡
 ወበኩሉ፡ሰንበታት፡
 ወኅፀፀ፡ወርኅ፡ዘይትገበር፡በሳድስት፡ኖኅት፡እስመ፡በዛቲ፡ኖኅት፡ሳድስት፡ይትፌጽም፡
 ብርሃነ፡ዚአሁ፡ወእምኔሁ፡ይከውን፡ርእሰ፡ወርኅ፡

ወታኅዳረት፡ ዘይትገበር፡ ቡኖኅት፡ ቀዳሚት፡ በዘመነ፡ ዚአሁ፡ እስከ፡ ይትፌጸም፡ መዋዕል፡
፫ ወ ፪ ወ ፯ ወበሥርዐተ፡ ሰንበት፡ ፳ ወ ፭ ወ ፪ መዋዕል፡፡
ወዘየሐፅፅ፡ እምፀሐይ፡ ወበሥርዐተ፡ ከዋክብት፡ ኅሙሳ፡ መዋዕል፡ በዘመን፡ ፩ ጥንቁቅ፡
ወሶበ፡ ይትፌጸም፡ ዝመኅን፡ ዘትሬኢ፡፡
ከመዝ፡ አርአያ፡ ወእምሳል፡ እምኲሉ፡ ብርሃን፡ ዘአርአየኒ፡ ኡርኤል፡ መልአክ፡ ዐቢይ፡
ዘውእቱ፡ መራኅሆሙ፡፡

ክፍል፡ ፹፡፡
ወበውእቱ፡ መዋዕል፡ አውሥኢ፡ ኡርኤል፡ ወይቤለኒ፡ ነዋ፡ አርአይኩከ፡ ኩሎ፡
እሄኖክ፡ ወኩሎ፡ ከሠትኩ፡ ለከ፡ ትርአዮ፡ ለዝ፡ ፀሐይ፡ ወለዝ፡ ወርኅ፡ ወለእለ፡
ይመርህዎሙ፡ ለከዋክብተ፡ ሰማይ፡ ወለኩሎሙ፡ እለ፡ ይመይጥዎሙ፡ ግብሮሙ፡
ወአዝማኖሙ፡ ወሙዳኢሆሙ፡፡
ወበመዋዕል፡ ኃጥኣን፡ ክራማት፡ የሐፅራ፡ ወዘርአ፡ ዚአሆሙ፡ ይከውን፡ ደኅራዌ፡
በምድሮሙ፡ ወበሙፋሮሙ፡ ወኩሎ፡ ግብር፡ ዘዲበ፡ ምድር፡ ይትመየጥ፡ ወኢያስተርኢ፡
በዘመኑ፡ ወዝናም፡ ይትከላእ፡ ወሰማይ፡ ታቀውም፡፡
ወበውእቱ፡ አዝማን፡ ፍሬ፡ እድር፡ ደኃራዌ፡ ይከውን፡ ወኢይበቀላል፡ በዘመኑ፡ ወፍሬ፡
ዕፅ፡ ይትከላእ፡ በዘመነ፡ ዚአሁ፡፡
ወወርኅ፡ ይዌልጥ፡ ሥርአቶ፡ ወኢይትረኣይ፡ በዘመነ፡ ዚአሁ፡፡
ወበእማንቱ፡ መዋዕል፡ ይትረኣይ፡ ሰማይ፡ ወይበጽሕ፡ ዐባር፡ በጽንፈ፡ ሰረገላት፡ ዐቢይ፡
በምዕራብ፡ ወይበርህ፡ ፈድፋድ፡ እምሥርዐተ፡ ብርሃን፡፡
ወይስሕቱ፡ ብዙኃን፡ አርእስቲሆሙ፡ ለከዋክብተ፡ ትእዛዝ፡ ወእሉ፡ ይመይጡ፡
ፍናዊሆሙ፡ ወግብሮሙ፡ ወኢይትረኣይ፡ በአዝማነ፡ ዚአሆሙ፡ እለ፡ ተአዘዙ፡ ሎሙ፡፡
ወኩሎ፡ ሥርዐተ፡ ከዋክብት፡ ይትዐፀው፡ ሳዕለ፡ ኃጥኣን፡ ወሕሊናሆሙ፡ ለእለ፡ ይነብሩ፡
ዲበ፡ ምድር፡ ይስሕቱ፡ ዲቤሆሙ፡ ወይትመየጡ፡ እምኲሉ፡ ፍናዊሆሙ፡ ወይስሕቱ፡
ወይመስዎሙ፡ አማልክተ፡፡
ወይበዝኅ፡ ሳዕሌሆሙ፡ እከይ፡ ወመቅሠፍት፡ ይመጽእ፡ ዲቤሆሙ፡ ከመ፡ ያኅጉሎሙ፡
ለኩሎሙ፡፡

ክፍል፡ ፹፩፡፡
ወይቤለኒ፡ እሄኖክ፡ ነጽር፡ መጽሐፈ፡ ዘጸፍጸፈ፡ ሰማይ፡ ወአንብብ፡ ዘጽሑፍ፡
ዲቤሆሙ፡ ወእእምር፡ ኩሎ፡ ፩፩፡፡
ወነጸርኩ፡ ኩሎ፡ ዘጸፍጸፈ፡ ሰማይ፡ ወአንብብኩ፡ ኩሎ፡ ዘጽሑፍ፡ ወእእመርኩ፡ ኩሎ፡
ወአንብብክዋ፡ ለመጽሐፍ፡ ወኩሎ፡ ዘጽሑፍ፡ ውስቴታ፡ ኩሎ፡ ምግባሮሙ፡ ለሰብእ፡
ወኩሎ፡ ውሉደ፡ ሥጋ፡ ዘዲበ፡ እድር፡ እስከ፡ ትውልደ፡ ዓለም፡፡
ወእምዝ፡ ሶቤሃ፡ ባረክዎ፡ ለእግዚእ፡ ለንጉሠ፡ ስብሐት፡ ዘለዓለም፡ በከመ፡ ገብረ፡ ኩሎ፡
ግብረ፡ ዓለም፡ ወሰባሕክዎ፡ ለእግዚእ፡ በእንተ፡ ትእግሥቱ፡ ወባረኩ፡ ዲበ፡ ውሉደ፡
ዓለም፡፡
ወይእተ፡ ጊዜ፡ እቤ፡ ብፁዕ፡ ብእሲ፡ ዘይመውት፡ እንዘ፡ ጳድቅ፡ ውኄር፡ ወኩሎ፡
መጽሐፈ፡ ዐመፃ፡ ዘኢተጽሕፈ፡ ዲቤሁ፡ ወኢተረክበ፡ ጌጋይ፡ ሳዕሌሁ፡፡
ወእሙንቱ፡ ፫ ቅዱሳን፡ አቅረቡኒ፡ ወአንበሩኒ፡ ውስተ፡ እድር፡ በቅድመ፡ ጥኅተ፡ ቤተየ፡
ወይቤሉኒ፡ አይድዕ፡ ኩሎ፡ ለማቱሳሳ፡ ወልድከ፡ ወአርኢ፡ ለኩሎሙ፡ ውሉድከ፡ ከመ፡
ኢይጸድቅ፡ ኩሎ፡ ዘሥጋ፡ በቅድመ፡ እግዚእ፡ እስመ፡ ውእቱ፡ ፈጠሮሙ፡፡
፩ ዓመተ፡ ነኅድገከ፡ በኅበ፡ ውሉድከ፡ እስከ፡ ካዕበ፡ ትዔዝዝ፡ ከመ፡ ትምህርሙ፡
ለውሉድከ፡ ወትጽሐፍ፡ ሎሙ፡ ወታስምዕ፡ ሎሙ፡ ለኩሎሙ፡ ውሉድከ፡ ወበካልእ፡
ዓም፡ ይነሥኡከ፡ እማእከሎሙ፡፡
ይጽናዕ፡ ልብከ፡ እስመ፡ ኄራን፡ ለኄራን፡ ያየድዑ፡ ጽድቀ፡ ጳድቅ፡ እስለ፡ ጳድቅ፡
ይትፌሣሕ፡ ወይትኣምኑ፡ በበይናቲሆሙ፡፡
ወኃጥእ፡ እስለ፡ ኃጥእ፡ ይመውት፡ ወምደጥ፡ ምስለ፡ እደጥ፡ ይሠጠም፡፡

ወእለ፡ይገብሩ፡ጽድቅ፡ይመውቱ፡በእንተ፡ምግባረ፡ሰብእ፡ወይትጋብኡ፡በእንተ፡እግ
ባረሙ፡ለረሲዓን፡፡

ወበእማንቱ፡መዋዕል፡ፈጸሙ፡እንዘ፡ይትናገሩ፡ምስሌዮ፡ወቦእኩ፡ኅበ፡ሰብእዮ፡እንዘ፡
እባርኮ፡ለእግዚእ፡ዓለማት፡፡

ክፍል፡፹፪፡፡

ወይእዜኒ፡ወልድዮ፡ማቱሳሳ፡ኩሎ፡እሳንተ፡ለከ፡እነግር፡ወእጽሕፍ፡ለከ፡ወኩሎ፡
ከሠትኩ፡ለከ፡ወወሀብኩከ፡መጻሕፍቲሆሙ፡ለእሉ፡ኩሎሙ፡፤ ዕቀብ፡ወልድዮ፡ማቱሳሳ፡
መጻሕፍተ፡እዴሁ፡ለአቡከ፡ወከመ፡ተሀብ፡ለትውልደ፡ዓለም፡፡

ጥበበ፡ወሀብኩ፡ለከ፡ወለውሉድከ፡ወለእለ፡ይከውኑ፡ለከ፡ውሉደ፡ከመ፡የሀቡ፡
ለውሉደሙ፡ለትውልዳት፡እስከ፡ለዓለም፡ለዛ፡ጥቡብ፡ዲበ፡ሕሊናሆሙ፡፡

ወኢይነውሙ፡እለ፡ይሌብውዋ፡ወያፀምኡ፡በእዝኖሙ፡ከመ፡ይትመሀርዋ፡ለዛ፡
ጥበብ፡ወትደልዎሙ፡እመባልዕት፡ሠናያት፡ለእለ፡ይበልዑ፡፡

ብፁዓን፡ጸድቃን፡ኩሎሙ፡ብፁዓን፡ኩሎሙ፡እለ፡የሐውሩ፡በፍኖተ፡ጽድቅ፡

ወአልቦሙ፡ኅጢአት፡ከመ፡ኃጥኣን፡ቡኑልቄ፡ኩሉ፡መዋዕሊሆሙ፡ለዘየሐውር፡

ፀሐይ፡በሰማይ፡በአናቅጽ፡ይበውእ፡ወይወጽእ፡፴ ዕለተ፡እስለ፡አርእስተ፡፲፱፡

ዝሥርዐቶሙ፡ለከዋክብት፡እስለ፡፬እለ፡ይትዌሰኩ፡ወይሌልዩ፡ማእከለ፡፬ ክፍለ፡

ዓመት፡እለ፡ይመርህዎሙ፡ወምስሌሆሙ፡ይበውኡ፡፬ መዋዕለ፡፡

በእንቲአሆሙ፡ይጌግዩ፡ሰብእ፡ወኢየሐስብዎሙ፡በሐሳበ፡ኩሉ፡ዓለም፡እስመ፡ይጌግ
ይዎሙ፡ወኢየአምርዎሙ፡ሰብእ፡ጥንቁቅ፡፡

እስመ፡ሀለው፡በሐሳበ፡ዓመት፡ወአማን፡ልኩዓን፡እሙንቱ፡ለዓለም፡፩ በቀዳሚት፡

ኖኅት፡ወ፩ በሣልሲት፡ወ፩ በራብዕት፡ወ፩ በሳድስት፡ወይትፌጸም፡ዓመት፡በመዋዕል፡
፫፻ ወ፰ ወ፩፡፡

ወአማን፡ኅገሩ፡ወጥንቁቅ፡ሐሳብ፡ዘልኩዕ፡እስመ፡ለብርሃናት፡ወለአውራኅ፡

ወለበዓላት፡ወለክራማት፡ወለመዋዕል፡አርአዮኒ፡ወነፍሐ፡ዲቤዮ፡ኡርኤል፡ዘአዘዞ፡

ሊተ፡እግዚእ፡ኩሉ፡ፍጥረተ፡ዓለም፡ቡኅይለ፡ሰማይ፡፡

ወሥልጣን፡ቦቱ፡በሌሊት፡ወበመዓልት፡ውስተ፡ሰማይ፡ከመ፡ያርኢ፡ብርሃነ፡ዲበ፡

ሰብእ፡ፀሐየ፡ወወርኅ፡ወከዋክብተ፡ወኩሎሙ፡ሥልጣናተ፡ሰማይ፡እለ፡ይትመየጡ፡
በክብቦሙ፡፡

ወዛቲ፡ይእቲ፡ሥርዐተ፡ከዋክብት፡እለ፡የዐርብ፡በመካናቲሆሙ፡ወበአዝማኒሆሙ፡

ወበበዓላቲሆሙ፡ወበአውራኅሆሙ፡፡

ወእሉ፡አስማቲሆሙ፡ለእለ፡ይመርህዎሙ፡ለእለ፡የዐቅብ፡ወይበውኡ፡በአዝማነ፡

ዚአሆሙ፡ወበሥርዐታቲሆሙ፡ወበጊዜያቲሆሙ፡ወበአውራኅሆሙ፡

ወበሥልጣናቲሆሙ፡ወበምቅዋማቲሆሙ፡፡

፬ መራኅያኒሆሙ፡ይበውኡ፡ቀዳሚ፡እለ፡ይሌልዩ፡፬ ክፍለ፡ዓመት፡ወእምድኅሬሆሙ፡

፲ ወ፪ መራኅያን፡ዘሥርዐታት፡እለ፡ይሌልዩሆሙ፡ለአውራኅ፡ወለዓመት፡፫፻ ወ፰ ወ

፬እስለ፡አርእስተ፡፲፱እለ፡ይፈልጥዎሙ፡ለመዋዕል፡ወለ፬እለ፡ይትዌሰኩ፡ዲቤሆሙ፡

እለ፡ይፈልጡ፡መራኅያን፡፬ መክፈልተ፡ዓመታት፡፡

ወእሙንቱ፡አርእስተ፡፲፱ ማእከለ፡መራሒ፡ወተመራሒ፡ይትዌሰክ፡፩ በድኅረ፡

እቅዋም፡ወመራህያኒሆሙ፡ይፈልጡ፡፡

ወእሉ፡አስማቲሆሙ፡ለመራኅያን፡እለ፡ይፈልጡ፡፬ መክፈልተ፡ዓመት፡እለ፡ሥሩዓን፡

ምልክኤል፡ወህልእምሜሌክ፡ወሜልኤዮል፡ወናሬል፡፡

ወአስማቲሆሙ፡ለእለ፡ይመርህዎሙ፡አድናርኤል፡ወኢየሱሳኤል፡ወኢይሉሚኤል፡

እሉ፡፫እለ፡ይተልው፡ድኅሬሆሙ፡ለመራሕያነ፡ሥርዐታት፡ወ፩ ዘይተሉ፡ድኅረ፡፫

መራኅያነ፡ሥርዐታት፡እለ፡ይተልው፡ድኅረ፡እልክቱ፡መራሕያነ፡እቅዋማት፡እለ፡

ይፈልጡ፡፬ ክፍለ፡ዓመት፡፡

በቅድመ፡ዓመት፡ቀዳማዊ፡ይሠርቅ፡ወይመልክ፡ምልክያል፡ዘይሰመይ፡ስሙ፡ተመዓኒ፡

ወፀሐየ፡ወኩሎሙ፡መዋዕላት፡ዘበሥልጣነ፡ዚአሁ፡እለ፡ይመልክ፡፯ ወ፩ ዕለት፡፡

ወእሉ፡ትእምርተ፡መዋዕል፡እለ፡ሀለው፡ያስተርእዩ፡ዲበ፡እድር፡በመዋዕለ፡ሥልጣነ፡
 ዚአሁ፡ሐፍ፡ወሞቅ፡ወሐዘን፡ወኩሎሙ፡ዕፀው፡ይፈርዩ፡ወቁጽል፡ይወጽእ፡
 በኩሉ፡ዕፀው፡ወማእረረ፡ሥርናይ፡ወጽጌ፡ረዳ፡ወኩሉ፡ጽጌያት፡ይጸግዩ፡በገዳም፡
 ወዕፀው፡ክረምት፡ይየብሱ፡።
 ወእሉ፡አስማቲሆሙ፡ለመራኅያን፡እለ፡መትሕቱሆሙ፡ብርክኤል፡ዘልብሳኤል፡
 ወካልእ፡ዘይትዌሰክ፡ርእሰ፡፲፪ ስሙ፡ሄሎያሴፍ፡ወተፈጸመ፡መዋዕለ፡ሥልጣኑ፡ለዝ፡።
 ካልእ፡መራኅ፡ዘድኅረሆሙ፡ኣልዕምሜሌክ፡ዘይጼውዕዎ፡ስሞ፡ፀሐየ፡ብሩሐ፡
 ወኩሉ፡መዋዕለ፡ብርሃኑ፡፯ ወ ፩ ዐለት፡።
 ወእሉ፡ትእምርተ፡መዋዕ፡በዲበ፡እድር፡ሐሩር፡ወየብስ፡ወዕፀው፡ያወጽኡ፡
 ፍሬሆሙ፡ርሱነ፡ወብሱለ፡ወይሁብ፡ፍሬሆሙ፡ይየብስ፡ወአባግዕ፡ይታለዋ፡ወይጸንሳ፡
 ወያስተጋብኡ፡ኩሎ፡ፍሬ፡እድር፡ወኩሎ፡ዘሀሎ፡ውስተ፡ገራውህ፡ወምክያደ፡
 ወይን፡ወይከውን፡በመዋዕለ፡ሥልጣኑ፡።
 ወእሉ፡እሙንቱ፡ስሞሙ፡ወሥርዐቶሙ፡ወመራኅያኒሆሙ፡እለ፡መትሕቱሆሙ፡
 ለእሉ፡አርእስተ፡፲፪ ጌዳኤል፡ወኬኤል፡ወሄኤል፡ወስሙ፡ለዘይትዌሰክ፡እስሌሆሙ፡
 ርእሰ፡፲፪ አስፋኤል፡ወተፈጸመ፡መዋዕለ፡ሥልጣኑ፡ዚአሁ፡።